



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Acta Synodalia Osnabrvgensis Ecclesiæ, Ab Anno Christi
MDCXXVIII.**

Brogberen, Johannes

Coloniæ Agrippinæ, 1657

Remedium pro ratione morbi adhibendum. 35

urn:nbn:de:hbz:466:1-14298

Rom. 2. dicitur, quum arguuntur sceleris ac flagitia per verbum Dei, & incutitur populo timor iræ, indignationisque ac justi judicii Dei, certo certius manentis eos, qui male agunt, ac male agendo perseverant. Subinde vero vino oleum miscendum est, ut ex animo vereque territis ac conversis promittatur gratia ac misericordia. Ad eum modum Paulus, ad Ephesios scribens: Hoc, inquit, sevitote, quod omnis fornicator, aut immundus, aut avarus, quod est idolorum servitus, non habet hereditatem in regno Christi & Dei. nemo vos seducat inanibus verbis: propter haec enim venit ira Dei in filios dissidentiae. nolite ergo effici participes eorum. Et iterum ad Galatas: Manifesta autem sunt opera carnis, quæ sunt, fornicatio, immunditia, impudicitia, luxuria, idolorum servitus, veneficia, inimicitiae, contentiones, æmulationes, rixæ, iræ, dissensiones, scœtæ, invidiae, homicidia, ebrietates, comesstiones, & his similia: quæ prædico vobis, sicut prædicti, quoniam, qui talia agunt, regnum Dei non consequentur.

C A P . XXXII. Neminem non ad Panitentiam invitari.

Ioan. 6. **I** Am, quanquam nemo convertatur ad Dominum nisi traxit per Patrem, attamen nemo hic excusationem prætexat quod non trahatur: quod ille semper sit ante ostium pulsans; nimis per internum & externum verbum commonens, ut convertamur à via nostra pessima; & inclamans, quoniam ira, indignatio, tribulatio & angustia in omnem animam hominis operantis malum, gloria autem & honor & pax omni operanti bonum. Hic concussis conscientiis commonstrandus est Samaritanus ille, qui infundit vinum & oleum; qui sanat omnes contritos, & alligat omnes contritiones eorum. Filioi mei, inquit divinissimus *Psal. 146.* Ioannes, hæc scribo vobis, ut non peccetis. sed &, si quis peccaverit, advocatum habemus apud Patrem, Iesum Christum justum; & ipse est propitiatio pro peccatis nostris; non pro nostris autem tantum, sed & pro totius mundi. Hæc est doctrina, quæ docet mori mundo, & vivere Christo.

C A P . XXXIII. Presbyter, qui à Confessionibus est, qualis esse debeat.

DE Confessione, & quotplex sit, alibi dicemus. Tantum, quod ad eam, quæ Sacerdoti privatim sit, attinet, paucis admonebimus. Primum, magnopere necessarium judicamus, ut Sacerdos, qui à Confessionibus est, sit integer, eruditus, ac silentii tenax: alioqui, si ad quæstum intentus sit, si ad malum sollicitet, si curiosior explorator sit, si pertinacibus

blandiatur, si intricata conscientiam extri- care nesciat, si denique vel ebriosus, vel iracundus, vel levis, vel secreti minime tenax, dissipandis magis quam pascendis ovibus vi- debitur idoneus.

C A P . XXXIV. Quid confitentem docebit Presbyter Confessarius.

IMprimis autem, qui huic muneri intentus est, docebit confitentem, ne ambiguis ac perplexis sermonibus se remoretur, & per contando cogatur velut expiscari crimina, (quod sæpen numero periculose est,) sed simpliciter, tanquam coram Deo, aperiat lethalia crimina, & qua conscientiam onerant ac lèdunt; quod ea, quæ contra conscientiam aguntur, ædificant ad gehennam. Atque ibi maxime opus est Sacerdote judge, discernente inter lepram & non lepram. *Rom. 14.*

C A P . XXXV. Remedium pro ratione morbi adhibendum.

QVod omnibus Christianis præcepit Paulus, dicens: Rogamus autem vos fratres, corripite inquietos, consolamini pusillanimis, suscipite infirmos, patientes estore ad omnes; hoc eum, qui à confessionibus est, maxime convenit obserbare; nimis ut consolando erigat pusillanimis per immensem Dei misericordiam; præfractos autem objurget, tremendumque Dei judicium ante oculos ponat. Denique, uti prudentissimus Medicus, pro morbi qualitate temperabit medicinam; obfuturus magis quam profuturus, si putaverit uno collyrio omnium mederi morbis. Monendi ergo, qui confitentur, singuli secundum ordinem, statum, ac ætatem, atque id per locos quoddam communes, ex Scriptura de promptos; quos in numerato habere debet Parochus.

C A P . XXXVI. Nimiris anxi, quomodo tranquillandi.

QVi nimis anxi sunt in repetenda confessione, vel iteranda apud alium Sacerdotem, vel etiam in enumerandis circumstantiis; quales sunt quidam, qui, quantumvis confitendo, conscientiam tamen vix tranquillare possunt; docendi erunt, Deum (cui omnia patent) sinceritatem tantum cordis à nobis requirere, nec tam severum esse exactorem, qui conscientiam, ob unam vel ob aliam delicti circumstantiam, inter confitendum non dedita opera neglectam, perpetuo turbatam esse velit. Nam, quis omnes erratus suos enumeraverit? quemadmodum David ait: Delicta quis intelligit? ab occultis meis munda me Domine. *Psal. 18.*